



Vijeće za konkurentnost

Broj: 02-02-895-1/14-XXVII

Jablanica, 04.11.2019. godine

Izvod iz zapisnika sa XXVII sjednice Vijeća za konkurentnost općine Jablanica održane dana 04.11.2019. godine sa početkom u 9:00 sati

Prisutni: Salem Dedić – Općinski načelnik, Dženan Mulahasanović – Sekretar općine, Jusuf Džafić, Voćepromet d.o.o. Jablanica, Nezir Kevrić – Jablanit d.o.o. Jablanica, Edin Budim – vlasnik „Labrador“ d.o.o. Jablanica Muamer Džino – Euro kamen d.o.o. Jablanica, Uzeir Zahirović – BH Granit, Jusuf Maksumić – Restoran Maksumić Jablanica, Ivan Zelenika – predstavnik JP EP HZHB, Ramiz Zahirović direktor JP EP BiH - Podružnica Jablanica, Admir Đelmo - Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Amel Halebić – Udruženje privrednika Jablanica, Amela Muratović - Služba za LER, investicije, finansije i trezor, Amra Nuhić – Služba za upravu za prostorno uređenje, građenje, zaštitu okoline i stambeno – komunalne poslove i Jasminka Omanović – Služba za LER, investicije, finansije i trezor

Odsutni: Mate Mijić predsjedavajući Općinskog vijeća Jablanica, Fadil Kevrić – Elektrofak d.o.o. Jablanica.

Predsjednik Udruženja privrednika općine Jablanica g. Jusuf Džafić daje uvodnu riječ i otvara XXVII sjednicu VZK –a i predlaže slijedeći Dnevni red:

1. Izvod iz zapisnika sa XXVI sjednice VZK-a
2. Odluka o komunalnoj naknadi – nacrt
3. Program subvencioniranja privrednih subjekata na području općine Jablanica – nacrt
4. Analiza stanja i potreba privrede u općini Jablanica – diskusija o rezultatima ankete
5. Razno

Predloženi Dnevni red jednoglasno je usvojen.

Ad. 1. Izvod iz zapisnika sa XXVI sjednice VZK-a

Izvod iz Zapisnika sa XXVI VZK –a je jednoglasno usvojen.

Ad.2. Odluka o komunalnoj naknadi – nacrt

Gđa. Amira Nuhić - Pomoćnik općinskog načelnika u Službi za upravu za prostorno uređenje, građenje, zaštitu okoline i stambeno – komunalne poslove pozdravlja sve prisutne i daje kratko obrazloženje na nacrt ove Odluke. Zakonom o komunalnim djelatnostima HNK („Službene novine HNK“, broj 4/16) propisana je obaveza plaćanja komunalne naknade za usluge korištenja komunalne potrošnje, odnosno obaveza jedinice lokalne samouprave za donošenje odluke o komunalnoj naknadi. Istim Zakonom je



definisan i sadržaj odluke. Centralna javna rasprava zakazana je 15.11.2019. godine u sali za sjednice Općinskog vijeća Jablanica, te Pomoćnik općinskog načelnika gđa Amira Nuhić traži od prisutnih da svoje prijedloge i sugestije dostave Službi za prostorno uređenje, građenje, zaštitu okoline i stambeno – komunalne poslove.

Općinski načelnik g. Salem Dedić dodaje da se vodilo računa da obaveza utvrđena u Nacrtu ove Odluke nema veliki uticaj na građane i privredu u Jablanici, te da se istom nastojalo što je moguće pravednije napraviti zoniranje u skladu sa stvarnom uslugom zajedničke komunalne potrošnje koja se pruža korisnicima. S obzirom da je ukinuta naknada za korištenje građevinskog zemljišta, ova naknada će u nekom smislu zamijeniti tu naknadu.

Nacrt Odluke o komunalnoj naknadi – predstavlja opterećenje za naše djelatnosti – rekao je ispred Udruženje privrednika Jablanica g. Jusuf Džafić i dalje navodi kako se svima trebaju dati isti uslovi za rad i za privređivanje.

G. Jusuf Maksumić navodi svoj primjer kupovine zemljišta rekavši da će ove naknade opteretiti poslovanje njegove firme.

Općinski načelnik ističe da Općina Jablanica nema namjeru jednostrano donijeti dokument. Prije nego što bude Općinskom vijeću upućen prijedlog Odluke, ista će biti usaglašena sa privrednim subjektima odnosno sa VZK –om.

Ad.3. Program subvencioniranja privrednih subjekata na području općine Jablanica – nacrt

Pomoćnik općinskog načelnika Službe za lokalni ekonomski razvoj i investicije, finansije i trezor gđa. Amela Muratović pozdravlja prisutne i u svom izlaganju navodi da je inicijativa za pokretanje projekta Subvencioniranja privrednih subjekata na području općine Jablanica nastala kao rezultat provedenog anketirajna privrednih subjekata i projekta koji je definisan u revidiranoj Strategiji razvoja općine Jablanica za period 2019-2023.

Služba za lokalni ekonomski razvoj i investicije, finansije i trezor provela je istraživanje o stanju i potrebama privrede u Općini Jablanica.

S tim u vezi Služba za lokalni ekonomski razvoj i investicije, finansije i trezor pripremila je nacrt Programa subvencioniranja privrednih subjekata na području općine Jablanica i isti je dostavljen Općinskom vijeću na usvajanje.

Provođenje javne rasprave određeno je u trajanju od 30 (trideset) dana. Sve primjedbe i sugestije dostaviti do 02.12.2019. godine navedenoj Službi. Centralna javna rasprava održat će se 21.11.2019. godine u 11:00 sati u sali za sjednice Općinskog vijeća Jablanica.

Predsjednik Udruženja privrednika općine Jablanica i VZK-a Jusuf Džafić navodi da se posebno treba staviti akcenat na pravdanje sredstava dobivenih subvencijom.

Općinski načelnik ističe da će Općina provođenjem javne rasprave usaglasiti Odluku o poticaju na obostrano zadovoljstvo privrednog i javnog sektora.

Ad.4. Analiza stanja i potreba privrede u općini Jablanica – diskusija o rezultatima ankete

Gđa Jasminka Omanović ispred Službe za lokalni ekonomski razvoj i investicije, finansije i trezor pozdravlja prisutne i ističe kako je navedena Služba provela anketiranje privrednih subjekata na području općine Jablanica, te na osnovu tih rezultata napravila analizu stanja i potreba privrede u općini Jablanica.

Općinski načelnik Salem Dedić dodaje da je ovaj dokument dobar kako za sve privrednike tako i za našu općinu, te poziva sve privrednike da se u što većem broju uključe u naredno anketiranje kako bi se na taj način dobila što jasnija slika, odnosno problemi sa kojima se susreću privrednici.

Ad.5. Razno

Predsjednik klaster kamena Hercegovina g. Nezir Kevrić pozdravlja prisutne i ističe da je potrebno da se povedu aktivnosti po pitanju problema eksploatacije prirodnog bogatstva – kamena Gabra i pitanja dodjele koncesije.

Zaključak: Hitno da se povedu aktivnosti predstavnika Općine Jablanica, Vijeća za konkurentnost, Udruženja privrednika i klaster kamena Hercegovina u sagledavanju pristupa kod nadležnih kantonalnih i federalnih ministarstava po pitanju problema eksploatacije prirodnog bogatstva – kamena Gabra i pitanja dodjele koncesije.

Sjednica VZK – a završena u 10:20 sati.

Zapisnik vodila

Vildana Lulić

Predsjednik Vijeća za konkurentnost

Jusuf Džafić